



SIARAN MEDIA

KPKT ANJUR TIGA PROGRAM UTAMA ASEAN BERKAITAN PEMBANGUNAN BANDAR MAMPAN

KUALA LUMPUR, 8 Julai 2025 - Kementerian Perumahan dan Kerajaan Tempatan (KPKT) akan menganjurkan tiga program utama ASEAN yang bertemakan pembangunan bandar mampan sempena Kepengerusian ASEAN 2025.

Tiga program tersebut adalah:

- **Forum Pembangunan Bandar Mampan ASEAN (ASUF)**
- **Forum Gabenor dan Datuk Bandar ASEAN (AGMF)**
- **Mesyuarat Gabenor dan Datuk Bandar Ibu Kota ASEAN (MGMAC)**

Program ini akan berlangsung dari **10 hingga 15 Ogos 2025** di Pusat Konvensyen Kuala Lumpur. Majlis Perasmian akan disempurnakan oleh **YAB Dato' Sri Haji Fadillah Haji Yusof, Timbalan Perdana Menteri Malaysia**. Turut hadir ialah **YB Tuan Nga Kor Ming, Menteri Perumahan dan Kerajaan Tempatan**.

ASUF, AGMF dan MGMAC ini akan menjadi platform strategik bagi memperkukuh hubungan diplomatik antara bandar-bandar ASEAN, memperkasa inovasi dasar, dan memperkukuh peranan Malaysia sebagai peneraju serantau dalam agenda pembangunan mampan..

“Dengan peranan **Pengerusi ASEAN** dan **Presiden Perhimpunan UN-Habitat**, Malaysia bersedia menggalas tanggungjawab serantau dan antarabangsa dalam memacu pembangunan bandar mampan,” kata **YB Menteri Tuan Nga Kor Ming** dalam majlis pra-pelancaran program tersebut bertempat di Pusat SDG Kuala Lumpur, pagi ini.

“Pengiktirafan global ini bukan sekadar satu penghormatan, tetapi mencerminkan keyakinan masyarakat antarabangsa terhadap nilai dan wawasan Malaysia dalam mewujudkan pembangunan bandar yang inklusif, berfokuskan rakyat, dan mampan,” ujar beliau.

Tema **“Bandar dan Wilayah Masa Depan ASEAN: Keterangkuman dan Kemampanan”** menggambarkan wawasan jangka panjang dalam pembangunan bandar di peringkat serantau. Ia memberi penekanan kepada dua keutamaan utama iaitu memupuk keterangkuman dan kemampanan sebagai asas kepada perancangan bandar masa depan.

Dalam konteks inisiatif pembandaran mampan ASEAN, tema ini selari dengan Bidang Keutamaan Visi Komuniti ASEAN, Komuniti Sosio-Budaya ASEAN, serta Strategi Pembandaran Mampan ASEAN. Ia menekankan pendekatan menyeluruh yang menggalakkan keterlibatan masyarakat, interaksi antara komuniti, serta keharmonian dengan alam sekitar demi memastikan masa depan yang lebih baik untuk semua warga ASEAN.

Program selama lima hari ini dijangka menghimpunkan 10 gabenor dan datuk bandar dari ibu kota ASEAN, 156 Pihak Berkuasa Tempatan, 8,000 peserta termasuk wakil dari lebih 500 bandar di seluruh ASEAN serta pihak-pihak berkepentingan.

Pelbagai sesi akan diadakan termasuk mesyuarat rasmi, perbincangan tertutup, forum, acara sampingan dan latihan, serta pameran dengan 100 reruai. Ia menjadi ruang interaktif bagi kolaborasi, perkongsian ilmu serta perancangan bandar strategik.

Setakat ini, lebih 6,000 peserta telah mendaftar menerusi portal rasmi dan ini satu pencapaian yang membuktikan momentum positif dan keyakinan komuniti serantau terhadap penganjuran ini. YB Menteri turut mengalu-alukan penyertaan lebih ramai rakan strategik dan pihak berkepentingan.

Program sukarelawan juga menerima sambutan hangat dengan lebih 600 permohonan daripada negara-negara ASEAN seperti Brunei, Singapura, Indonesia dan Thailand. Seramai 200 sukarelawan telah disenarai pendek dan dipilih secara teliti untuk menyokong kejayaan acara ini.

“Selaras dengan aspirasi Malaysia MADANI, program ini mengangkat prinsip keterangkuman, dengan penglibatan menyeluruh daripada penjawat awam, datuk bandar dan gabenor, kanak-kanak, belia, wanita, ahli akademik, badan profesional, dan wakil sektor swasta. Setiap suara membawa makna,” kata YB Nga Kor Ming.

URBANICE Malaysia, sebuah Pusat Kecemerlangan di bawah KPKT, merupakan penganjur bersama dan turut bekerjasama dengan beberapa rakan strategik utama. DBKL diberi penghormatan sebagai Bandar Tuan Rumah, manakala penganjuran ini turut mendapat sokongan penuh daripada Sekretariat ASEAN. UCLG ASPAC dan UN-Habitat pula bertindak sebagai penganjur utama di peringkat serantau dan global.

Penaja & Penyedia Rasmi

Forum Pembangunan Bandar Mampan ASEAN 2025 dapat direalisasikan melalui kerjasama dan sokongan organisasi terkemuka yang komited untuk memajukan pembangunan bandar yang mampan dan inklusif di rantau ini.

- **Penaja Utama:** PR1MA Corporation Malaysia
- **Penaja Platinum:** Airbnb Singapore Pte Ltd
- **Penaja Perak:** Gamuda Berhad

Penyedia Rasmi:

- **Penyedia Platform Penginapan Rasmi:** Airbnb Singapore Pte Ltd
- **Penyedia OTA Rasmi:** Trip.com Travel Singapore Pte Ltd
- **Penyedia Mobiliti Bandar Rasmi:** Prasarana Malaysia Berhad
- **Syarikat Penerbangan Rasmi:** Malaysia Airlines Berhad & FlyFirefly Sdn Bhd
- **Rangkaian Hotel Rasmi:** 36 buah hotel di kawasan KLCC (Rujuk senarai lampiran)
- **Penyedia Pemindahan Lapangan Terbang & E-Hailing Rasmi:** Airasia Ride

Pendaftaran & Maklumat Acara:

Untuk maklumat lanjut serta pendaftaran penyertaan, sila layari www.bit.ly/ASUF_AGMF_MGMAC2025 atau imbas kod QR



Sebarang Pertanyaan Media, sila hubungi:

Noreen Nattassa

Urbanice Malaysia

+6017-8783022

noreen@urbanicemalaysia.com

#MalaysiaMADANI

#StrongerTogether

#DemiPertiwi

#UnityInDiversity

#RancakkanMADANI

Kementerian Perumahan dan Kerajaan Tempatan (KPKT) terdiri daripada lapan (8) Jabatan/agensi kerajaan iaitu 1. Jabatan Bomba dan Penyelamat Malaysia, 2. Jabatan Perumahan Negara, 3. Jabatan Kerajaan Tempatan, 4. Jabatan Pengurusan Sisa Pepejal Negara, 5. PLANMalaysia, 6. Jabatan Landskap Negara, 7. Tribunal Perumahan dan Pengurusan Strata dan 8. Institut Latihan Perumahan dan Kerajaan Tempatan. Agensi lain di bawah KPKT ialah Solid Waste Corporation Malaysia (SWCorp), Urbanice Malaysia, Syarikat Perumahan Negara Berhad (SPNB) dan Perbadanan PR1MA Malaysia (PR1MA).

Dikeluarkan Oleh : Unit Komunikasi Korporat
b.p. Ketua Setiausaha
Kementerian Perumahan dan Kerajaan Tempatan
Telefon : 03-8891 5555 | Faks : 03-8891 5557 | E-mel : media.ukk@kpkt.gov.my



Lampiran 1: Senarai Hotel-hotel Rasmi

1	Mandarin Oriental
2	Imperial Lexis Kuala Lumpur
3	Wyndham Suites KLCC
4	Ascott Kuala Lumpur
5	The RuMa Hotel & Residences
6	Impiana KLCC
7	Traders Hotel KLCC
8	Grand Hyatt Kuala Lumpur
9	Four Seasons Hotel Kuala Lumpur
10	EQ Kuala Lumpur
11	Banyan Tree Kuala Lumpur
12	Pullman Kuala Lumpur City Centre
13	Royale Chulan Kuala Lumpur
14	W Kuala Lumpur
15	Novotel Kuala Lumpur City Centre
16	Corus KLCC
17	Pavilion Hotel Kuala Lumpur (Banyan Tree)
18	Ascott Star KLCC
19	InterContinental Kuala Lumpur
20	Grand Millennium Hotel Kuala Lumpur
21	JW Marriott Hotel Kuala Lumpur
22	The Westin Kuala Lumpur
23	E&O Residences Kuala Lumpur
24	The Kuala Lumpur Journal Hotel
25	The Ritz-Carlton Kuala Lumpur

26	Shangri-la Kuala Lumpur
27	Four Points by Sheraton Kuala Lumpur
28	Ibis Kuala Lumpur City Centre
29	WOLO Kuala Lumpur
30	Renaissance Kuala Lumpur
31	DoubleTree by Hilton Kuala Lumpur
32	Hotel Indigo Kuala Lumpur on the Park
33	PARKROYAL Serviced Suites Kuala Lumpur
34	PARKROYAL COLLECTION Kuala Lumpur
35	Iyf Chinatown Kuala Lumpur (The Ascott)
36	Ascott Sentral Kuala Lumpur